

# Edizione diplomatico-interpretativa

	I
<b>A vous amant pl(us) qua nulle autre gent.</b> et il raisons que ma dolour co(m)plai(n)gne. q(ua)r il mestuet p(ar)tir outrement. et desseurer de ma loyalz (com)pai(n)gne et se la pert nest riens q(ui) mi remai(n)gne. et sachiez b(ie)n amours tout uraieme(n)t. sainc nulz morut pour auoir cuer dolent. iamais p(ar) moy nert leus vers ne laiz.	A vous, amant, plus qu'a nulle autre gen et il raisons que ma dolour complaingne quar il m'estuet partir outrement et dessevrer de ma loyalz compaigne et, se la pert, n'est riens qui m'i remaing et sachiez bien, Amours, tout vraiment s'ainc nulz morut pour avoir cuer dolent jamais par moy n'ert leüs vers ne laiz.
	II
<b>Hai; am(our)s q(ui)ert il dont et (com)m(en)t. (con)ue(n)dra il que(n) la fin (con)gie p(re)ngne. oil c(er)tes. ne puet est(re) aut(re)ment. aler mestuet morir en t(er)re estrai(n)gne. q(ue) dicest mal ne(n) ai aliegem(en)t. ne de nullui g(er)redo(n) ne(n) attent. forq(ue)s de li ne sai se chiert iamais.</b>	Hai Amours! Qu'iert il? Dont et comment convendra il qu'en la fin con prengne? Oil certes, ne puet estre autrement, aler m'estuet morir en terre estraingne, que d'icest mal n'en ai aliegement, ne de nullui gerredon n'en attent forques de li, ne sai se ch'iert jamais!
	III
<b>Pardieu amours g(ri)ef mest a (con)sirrer. le g(ra)nt solas et la g(ra)nt (com)pagnie. et le deduit que mi soloit monstrer celle q(ui) mert et (com)pagne et amie. et q(ua)nt recort sa simple courtoisie. et lez doulz mos q(ue) sueil a li p(ar)ler. (com)me(n)t me puet le cuer el corps dur(er). q(ua)nt ne me part certes m(ou)lt est mal - uais.</b>	Par Dieu, Amours, grief m'est a consirre le grant solas et la grant compagnie et le deduit que m'i soloit monstrer celle qui m'ert et compagne et amie et, quant recort sa simple courtoisie et lez doulz mos que sueil a li parler, comment me puet le cuer el corps durer Quant ne me part, certes moult est malvais
	IV
<b>Ne ma dont diex p(ar) droit noie(n)t do(n)ne. trestous lez b(ie)ns q(ua)i eu en mamie. ains lez ma fait chierem(en)t (com)p(ar)er. q(ua)nt il mestuet dep(ar)tir de mamie. m(er)ci li p(ri) q(ua)inc ne fis uilo(n)nie. q(ua)r uilai(n) fait bo(n)ne am(our) desseur(er). nede mo(n) cuer ne puis samour oster. si me (con)uient q(ue) ie ma dame lais.</b>	Ne m'a dont Diex par droit noient donne tréstous lez bien qu'ai eu en m'amie, ains lez m'a fait chierement comparer. Quant il m'estuet departir de m'amie merci li pri, qu'ainc ne fis vilonne, quar vilain fait bonne amour dessevrer, ne de mon cuer ne puis s'amour oster, si me convient que je ma dame lais.

Ie me(n) uois dame a dieu le creatour.  
 vo(us) (com)mant ie q(ue)lle p(ar)t q(ue) ie soie. q(ua)r ie me(n) uois  
 [courrou-  
 chies et dolent; et si ne cuit q(ue) iamez vo(us) reuoie.  
 mo(n) cuer auez en la u(os)tre menaie. faire en poez du tout  
 u(ost)re (com)mant. ma douce dame a ih(es)u vous (com)mant. ie  
 ne(n) puis mais c(er)tes se ie vous lais

Je m'en vois, dame, a Dieu le Creatour  
 vous commandant je, quelle part que je soie  
 quar je m'en vois courrouchiés et dolent  
 et, si ne cuit que jamez vous revoie,  
 mon cuer avez en la vostre menaie,  
 faire en poez du tout vostre commandant.  
 Ma douce dame, a Ihesu vous commandant  
 je n'en puis mais, certes, se je vous lais.

- letto 391 volte

Credits | Contatti | © Sapienza Università di Roma - Piazzale Aldo Moro 5, 00185 Roma T (+39) 06 49911  
 CF 80209930587 PI 02133771002

**Source URL:** <https://letteraturaeuropaea.let.uniroma1.it/?q=laboratorio/edizione-diplomatico-interpretativa-641>